



Vogošća, ul. Jošanička, br. 80; tel: 00387 33 586 413, fax: 586 444

Broj: 07-11-1691/25
Vogošća, 10.12.2025. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 10.12.2025. godine donio je

**ODLUKU
O IZBORU NAJPOVOLJNIJEG PONUĐAČA ZA USLUGE IZRADA GLAVNOG
PROJEKTA REKONSTRUKCIJE FONTANE I UREĐENJA PARKA PENZIONERA
OPĆINA VOGOŠĆA**

Član 1.

Ponuda ponuđača "Studio dva" d.o.o. Sarajevo, ulica Barska br. 33, Ilidža, odabrana je za nabavku usluge Izrada glavnog projekta rekonstrukcije fontane i uređenja Parka penzionera općina Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 5.600,00 KM bez uračunatog PDV-a, odnosno 6.552,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 29.10.2025. godine donio Odluku o pokretanju Otvorenog postupka nabavke usluge Izrada glavnog projekta rekonstrukcije fontane i uređenja Parka penzionera općina Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 31.10.2025. godine pod brojem: 1353-1-2-181-3-146/25. Sažetak Obavještenja o nabavci objavljen je u "Službenom glasniku BiH" broj: 67/25 od 07.11.2025. godine.

Tendersku dokumentaciju sa Portala javnih nabavki BiH je preuzelo 23 (dvadesettri) ponuđača. Krajnji rok za dostavu ponuda bio je 27.11.2025. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 27.11.2025. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1691/25 iz oktobra 2025. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 5 (pet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1	"URBIS CENTAR" d.o.o. Banja Luka	8.880,00	/	/	10.389,60
2	"Grizelj Group" d.o.o. Sarajevo	5.800,00	/	/	6.786,00
3	"Studio dva" d.o.o. Sarajevo	5.600,00	/	/	6.552,00
4	„RMK Engineering“ d.o.o. Vogošća	7.650,00	/	/	8.950,50
5	"Radis" d.o.o. Istočno Sarajevo	6.900,00	/	/	8.073,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Radis" d.o.o. Istočno Sarajevo ne ispunjava formalno-pravne uslove tražene Tenderskom dokumentacijom i to:

Tačkom 8.2.1. TD koja se odnosi na sadržaj ponude navedeno je pod stavkom broj 10) Nacrt Ugovora - Ponuđač treba samo **potpisati** prijedlog Ugovora -Aneks 7.

Nadalje, tačkom 9.8.1. je navedeno: „Prijedlog ugovora je uključen u Aneks 7. tenderske dokumentacije ("Nacrt"). Ponuđač treba samo potpisati prijedlog Ugovora (bez popunjavanja ostalih dijelova). Ukoliko ponuđač popuni i ostale dijelove Ugovora, njegova ponuda neće biti ocijenjena kao neprihvatljiva“

Ponuđač "Radis" d.o.o. Istočno Sarajevo je dostavio svoju ponudu, ali prijedlog ugovora (Aneks 7 TD) nije potpisan (strana 32 Ponude).

Ponuđač "Radis" d.o.o. Istočno Sarajevo je u svojoj ponudi (strana 32 Ponude) propustio da ovlašteno lice potpiše prijedlog ugovora (Aneks 7 TD) na mjestu predviđenom za potpis.

Shodno navedenom, a u skladu sa odredbom člana 2. stav I alineja 3. i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je nepravilna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "URBIS CENTAR" d.o.o. Banja Luka,
- "Grizelj Group" d.o.o. Sarajevo
- "Studio dva" d.o.o. Sarajevo i
- RMK Engineering“ d.o.o. Vogošća

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela pristiglih ponuda ponuđača, te je izvršena računska provjera dostavljenih ponuda i utvrđeno je da nema računskih

grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge Izrada glavnog projekta rekonstrukcije fontane i uređenja Parka penzionera općina Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Studio dva" d.o.o. Sarajevo	5.600,00	6.552,00
2	"Grizelj Group" d.o.o. Sarajevo	5.800,00	6.786,00
3	"RMK Engineering" d.o.o. Vogošća	7.650,00	8.950,50
4	"URBIS CENTAR" d.o.o. Banja Luka	8.880,00	10.389,60

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Studio dva" d.o.o. Sarajevo, za nabavku usluge Izrada glavnog projekta rekonstrukcije fontane i uređenja Parka penzionera općina Vogošća, kao prvoplasiranom na Rang listi, sa ponuđenom ukupnom cijenom nabavke u iznosu 5.600,00 KM bez uračunatog PDV-a, odnosno 6.552,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradila: Meliha Čolpa

Kontrolisala: Đejna Sarač

OPĆINSKI NAČELNIK

Migdad Hasanović

Dostavljeno:

1. "URBIS CENTAR" d.o.o. Banja Luka
2. "Grizelj Group" d.o.o. Sarajevo
3. "Studio dva" d.o.o. Sarajevo
4. "RMK Engineering" d.o.o. Vogošća
5. „Radis“ d.o.o. Istočno Sarajevo
6. Nadležnoj Službi
7. U dosije
8. a/a

office@urbiscentar.com
groupgrizelj@gmail.com
irnes.mujagic@gmail.com
info@rmk.ba
radisdoo@gmail.com